

receu mon esprit, d'auoir eu le bon-heur de voir cette sepmaine tant d'ames, qui ont receu le sainct Baptesme, & que nostre Seigneur nous ait fait ce bien qu'elles ayent esté [181] instruiètes en nostre petite Chappelle. Auiourd'huy nostre ioye a recommance, lors que nous auons veu chez nous les filles & les femmes Chrestiennes, qui doiuent partir pour fuiure leurs parens à la chaffe, nous les auons traictées trois fois cette sepmaine, mais de bon cœur, mon R. P. il femble que ces bonnes gens portent le Paradis avec eux, aussi font ce des ames fraîchement lauées dans le sang de l'agneau: mais que vous diray-je de nos feminaristes, Magdelaine Amiskoveian, est en ses mœurs comme si elle auoit esté esleuée parmy nous, il ne se peut voir vne humeur plus douce & plus flexible: elle fait tenir toutes ses compagnes en leur deuoir, elle gouste grandement bien les choses de Dieu. Marie Negabamat: deuiet tous les iours plus accomplie, cette fille est tellement craintue des iugemens de Dieu, que l'un de ces iours comme i'instruifois les deux qui ne sont pas encor baptifées, elle auoit les larmes aux yeux elle entend fort bien les mysteres de nostre foy, le plus grand plaisir qu'on luy puisse faire, [182] c'est de luy expliquer ces verités par des images, elle a tant de deuotion enuers la saincte Vierge, qu'elle tressaillit de ioye à la veuë de son pourtraict, elle l'appelle sa mere, la baise, & la chérit vniquement, elle ne peut souffrir aucune indecence en ses compagnes, quand on la fait prier Dieu en sa langue avec ses compagnes, elle s'en va encor avec les petites Françoises pour le prier. On ne prendroit pas la petite Magdelaine pour vne Sauvage, il ne se peut voir vn enfant plus obeissant, ny